

卷一

乾象通鑑卷第八十七

河間府免解進士臣李季奉

聖旨編

北方雜座統論中

敗爪星論

離珠星論

十二諸國論

離瑜星論

司命星論

司祿星論

司危星論

司非星論

天津星論

奚仲星論

車府星論

造父星論



墳墓星論

哭星論

泣星論

蓋屋論

虛梁論

天疊城論

敗瓜星論

敗瓜統占

客星犯敗瓜

彗孛犯敗瓜

流星犯敗瓜

雲氣犯敗瓜

敗瓜統占

天文別錄曰敗瓜五星在匏瓜西南其南星入斗二

十四度主果實明潤居常則果實熟暗則果實不

熟

甘德曰敗瓜五星在匏瓜北主果實蔬菜亦曰主鹽

魚明則歲熟暗則不稔五星俱亡魚鹽大貴

天文總論曰敗瓜五星主瓜果魚鹽明暗以候其

貴賤星與匏瓜相同連星數與匏瓜同占與瓠瓜等

唯敗瓜下一星微曲匏瓜石氏所著敗瓜甘氏所著

五星就聚與瓠瓜相合則果實不收魚鹽貴百倍

陳卓叙曰敗瓜移則果瓜菜實不入市井

天文志曰瓠瓜旁五星曰敗瓜主種蔣亦主果實豐

凶亦曰主陰謀主後宮星微則后失勢

京房外傳曰匏瓜旁五星曰敗瓜明潤則果實熟明
大有芒角則後宮有憂亦曰美女相忌

武密曰敗瓜星直則陰謀在後宮美女有異謀亦曰
女主非理失勢

客星犯敗瓜

天文別錄曰客星犯敗瓜則後宮有進美女入有怒
角侵敗瓜後宮有陰謀相妬

天文總占曰客星乘陵敗瓜則瓜果不熟五穀不登
人饑亦曰糴貴

大象旁通曰客星有怒角乘敗瓜不去去而復來則
後宮有新進美女亦曰美女相忌后寵

京房外傳曰敗瓜中有客星有芒角則后族干權
彗字犯敗瓜

天文別錄曰彗出敗瓜則后失勢新進美女專寵亦
曰美女相毒後宮中

天文總論曰星孛敗瓜中則外戚干時政亦曰后族
權重朝士側目

陳卓曰彗出敗瓜後宮除舊實新有更立妃后

京房外傳曰星孛敗瓜有光芒及尋丈奄星不見則
后妃有憂亦曰女主有喪

流星犯敗瓜

天文別錄曰流星犯敗瓜則果實誦責菜蔬不熟
天文總占曰流星抵敗瓜光芒奄星不見則魚鹽暴貴
陳卓曰流星觸敗瓜則美女入宮光芒及丈餘後宮
有憂光芒及五丈以上后失勢

京房災異後序曰流星觸犯敗瓜星亡則女主惡之
亦曰後宮災

雲氣犯敗瓜

天文別錄曰有蒼白雲氣奄敗瓜則雨水傷果實不
收有青氣蔽敗瓜則蟲食果實有黑氣環繞敗瓜
則雨水災魚鹽暴貴百倍

陳卓叙星占曰有黃氣氛盪乘敗瓜則後宮有喜事
有黑氣如獸狀欲食敗瓜則後宮有憂亦曰女主
有喪

京房災異後序曰有黑氣如龍虎形犯敗瓜則后妃
干政以事敗

離珠星論

離珠星統占

客星犯離珠

彗孛犯離珠

流星犯離珠

雲氣犯離珠

離珠統占

天文別錄曰離珠五星在須女北其東星入女一度石申占曰離珠五星赤在須女北主後宮府藏非常則後宮亂

天文志曰離珠五星在須女北須女之府藏也女子之星也星非故常有內亂客星犯之後宮凶

陳卓曰離珠星在須女北主後宮星明則後宮府藏盈實暗則後宮有憂星坼則女主惡之星之則後宮災

客星犯離珠

天文別錄曰客星犯離珠則有暴客入後宮府藏亦曰後宮有內憂

天文總論曰客星犯離珠有怒角則女主有憂亦曰有女喪

彗孛犯離珠

天文別錄曰彗孛犯離珠則後宮有火災亦曰府藏有火災

天文總占曰彗孛在角奄離珠則女主惡之亦曰有女喪

陳卓叙星占曰星孛犯離珠則後宮有內變亦曰女

主有陰謀

武密曰星孛犯離珠則後宮有妬忌亦曰女子相毒亦曰女子死非意

流星犯離珠

天文別錄曰流星入抵離珠則後宮有陰謀通外姦流星出離珠則外姦出後宮

古今星釋曰流星抵觸離珠則女主有憂亦曰後宮有憂

雲氣犯離珠

天文別錄曰黑雲氣抵犯離珠其野有女喪一曰陰貴人有憂黃雲氣出離珠其國有陰謀逆上令謀及人君黃氣入離珠則後宮有喜亦曰受天子賞賜餘色俱凶

十二國星論

周國星月五星客彗孛流星雲氣干犯統占

越國星月五星客彗孛流星雲氣干犯統占

趙國星月五星客彗孛流星雲氣干犯統占

齊國星月五星客彗孛流星雲氣干犯統占

秦國星月五星客彗孛流星雲氣干犯統占

代國星月五星客彗孛流星雲氣干犯統占

魏國星月五星客彗孛流星雲氣干犯統占
韓國星月五星客彗孛流星雲氣干犯統占
鄭國星月五星客彗孛流星雲氣干犯統占
楚國星月五星客彗孛流星雲氣干犯統占
燕國星月五星客彗孛流星雲氣干犯統占
晉國星月五星客彗孛流星雲氣干犯統占

十二國統占

天文別錄曰十二諸國一十六星黃在天田東一星
暗則一國災一星亡則一國亂一星失故常則其
國失地星就聚候其星名以占國相侵擾星疎圻
則其國勢奪
天文總占曰十二諸國以其地名之因其名以候國
之災祥也星明潤則所在國有喜星暗則所在國
有憂

巫咸曰十二國十六星黃在天田東鄭國一星在趙
國二星燕西齊國一星在九坎東秦國二星在韓
魏西北周國二星在趙北楚國一星在魏西晉東
晉國一星在鄭西南代國二星在燕南韓國一星
在秦東魏國一星在韓東北七曜所犯各占其國
分野吉凶之事

月五星客彗孛流星雲氣干犯

周國統占

天文別錄曰周國二星其西星入牽牛六度星明潤則周分有喜星暗則人君有憂星亡則國祚失月逆犯周國星其野大臣有陰謀太白失度守周國星其野兵大起若晝見及經天成鈞已者國君親戎服焚惑逆犯周國星其野有兵喪歲星守周國其野民不失業大豐鎮星逆守周國星其野有土役民勞怨辰星逆守周國星其國大水荒民饑客星守之有刺客入境彗孛干犯周國星其野有更王流星抵觸周國星其野有邊兵起白雲氣入之則其國有兵變黃氣入之國有喜慶事餘色俱凶月五星客彗孛流星雲氣干犯

越國星統占

天文別錄曰越國一星入牽牛五度星明潤則其國有喜星暗則人君有憂星亡則其國失祚月逆犯越國星其野大臣有陰謀歲星順守越國星其野歲穰民安太白逆犯越國星其野有兵喪若經天成鈞已者其國君自被甲冑焚惑逆犯越國星其國有急兵若成鈞已則其國有大喪鎮星逆犯越

國星其野有土功民勞怨辰星逆犯越國星其野
有大水患歲歉民飢客星犯越國星臣下有匿謀
彗孛犯越國星其野有更王流星干犯越國星其
野有兵寇邊白雲氣入之其國有兵變黃氣入之
其國有喜慶事餘色俱凶

月五星客彗孛流星雲氣干犯

趙國星統占

天文別錄曰趙國二星其西星入牽牛五度星明潤
則其國有喜星暗則人君有憂星亡則國棄祀月
逆犯趙國星其野有匿謀大臣歲星順守趙國其
野歲豐民悅豫熒惑逆犯趙國其野有兵喪太白
逆守趙國其野有兵起若經天及成鈞已者人君
親戎服鎮星逆犯趙國其野有土功民勞怨辰星
逆犯趙國其野大水歲歉民饑若客星守趙國其
野有刺客入境彗孛掃趙國其野不有死君必有
亡國流星入趙國則有姦臣入國境白雲氣入之
其國有兵變黃雲氣入之其國有喜餘色俱凶

月五星客彗孛流星雲氣干犯

齊國星統占

天文別錄曰齊國一星入牽牛七度星明潤則其野

有喜星暗則人君有憂星亡則其國失祚月犯守
齊國星則大臣有陰謀歲星順守齊國其野歲穰
熒惑逆犯齊國其野有兵喪若成鈞已者防內亂
太白逆犯齊國其野有兵變若經天者其君親戎
服鎮星守齊國行逆其國有土後民勞怨辰星逆
犯齊國其野有大水患若客星守齊國其野有刺
客入境彗孛守齊國其野有更王流星入抵齊國
其國有姦使白雲氣入之其野有兵黃雲氣出入
之其國有喜慶餘色凶

月五星客彗孛流星雲氣干犯

秦國星統占

天文別錄曰秦國二星其西星入須女三度星明潤
則其國有喜星暗及動搖其國人君有憂星亡則
其國將棄祀祚月犯秦國星其下有陰謀歲星順
守之秦國星其國大穰熒惑逆犯秦國星其野有
兵喪若成鈞已其國君惡之太白逆犯秦國星其
國有大喪亦曰為白衣會若經天人君親戎服鎮
星犯秦國星其野有土功民勞怨辰星犯秦國星
其野大水荒若客守秦國星其野有姦謀犯上若
彗孛干犯秦國其野有改立侯王若流星抵觸秦

國其野姦使入境若蒼白雲氣入之其國有兵變
若黃雲氣入之其國有慶餘色凶

月五星客彗孛流星雲氣干犯

代國星統占

天文別錄曰代國二星其北星入須女七度星明潤
其國有喜星暗國有憂星亡則國失祿月犯代國
星其國有陰謀歲星逆犯代國星其國凶荒順守
之歲豐熒惑犯代國其野有兵喪亦曰有內亂太
白逆犯代國其野有兵喪若經天成鈞已則君親
被甲冑鎮星犯代國其野有土後民勞怨辰星犯

代國其野有水災若客星守代國其野有姦臣一
曰有暴客彗孛守代國其野有革命一日有改王
流星抵代國其野有姦臣入國若白雲氣奄代國
星其國憂兵黃雲氣奄代國其君有喜慶餘色俱
凶矣

月五星客彗孛流星雲氣干犯

魏國總占

天文別錄曰魏國一星入須女五度星明潤則國有
喜星暗則國憂星亡則國失祿月犯魏國星則其
野有陰謀歲星順守魏國星則其野大穰熒惑犯

魏國其君憂兵變大白犯魏國其國有兵喪若經
天則君親戎服鎮星犯魏國其國有土後民勞怨
辰星逆守魏國其野有水災國歎民飢若客星守
魏國星其野有奸臣犯上若彗星抵魏國其野有
更王流星抵觸魏國其野有奸臣犯上一曰奸使
入境若白氣入魏國其野有兵若黃氣入之其國
有喜餘色俱凶

月五星客彗孛流星雲氣干犯

韓國星統占

天文別錄曰韓國一星入須女五度星明潤則其野
有喜星暗則其野有憂星亡則其國失祚若月逆
犯韓國星其國有陰謀大臣歲星順守韓國其野
大穰熒惑逆犯韓國其國有兵喪太白逆犯韓國
其國有大喪一曰白衣會鎮星犯守韓國主有土
功民勞怨辰星犯守韓國主國大水民饑若客星
犯韓國其國有刺客奸臣彗孛抵韓國其野有奸
使入境白雲氣入韓國其野兵黃雲氣入之其國
有慶餘色俱凶

月五星客彗孛流星雲氣干犯

鄭國星統占

天文別錄曰鄭國一星入須女一度半星明潤則其野有喜星暗則其國有憂星亡則其國失祚歲星順守鄭國其野大穰焚惑逆犯鄭國其國有兵喪若成鈎已者則有內亂太白犯守鄭國其野兵暴起若經天犯守其國君當之鎮星犯守鄭國其野有土役辰星犯守鄭國其國大水若客星守鄭國其國有奸臣彗孛抵鄭國其國有更王流星干犯鄭國有外使懷奸入境白雲氣入鄭國其國有兵起黃雲氣入之其國有慶事餘色俱凶

月五星客彗孛流星雲氣干犯

楚國星統占

天文別錄曰楚國一星入須女三度星明潤則其國有喜星暗其野有憂星亡則其國棄祀月犯楚國其野有陰謀大臣歲星順守其野大穰焚惑逆犯楚國主國有兵喪大白逆犯楚國主國有兵變若經天犯之其國大喪鎮星逆犯楚國主有土役辰星犯守其國大水若客星守楚國主國有刺客若彗孛守抵楚國主國有改王流星抵觸楚國則主奸使入國境白雲氣入楚國其野有兵起黃雲氣入之其國有慶事餘色俱凶

月五星客彗孛流星雲氣干犯

燕國星統占

天文別錄曰燕國一星入須女五度星明潤則國有喜星暗國有憂星亡則國失祚月逆行犯燕國主臣下有匿謀歲星順守燕國其野大穰焚惑犯燕國其國有兵起太白犯燕國主國有兵喪若經天成鈞已者有大喪人君惡之鎮星干犯燕國其野有土功辰星干犯燕國其野大水客星犯守燕國有奸謀犯上彗孛干犯燕國主有更王流星入燕國主奸使入境白雲氣入燕國其野有急兵黃雲氣入燕國其野有慶事餘色俱凶

月五星客彗孛流星雲氣干犯

晉國星統占

天文別錄曰晉國一星入須女八度星明潤則其國有喜星暗則其國有憂星亡則其國失祚月犯晉國主有陰謀者歲星順守晉國其野大穰焚惑犯守晉國其野有急兵太白干犯晉國其野有兵喪鎮星犯守晉國其野有土功辰星干犯晉國主其國大水客星入守晉國主有暴客懷奸犯上彗孛干犯晉國其野有奸使白雲氣入奄晉國其野有

兵變黃雲氣奄覆晉國其野有糜餘色俱凶

離瑜星論

離瑜星統占

客星犯離瑜

彗孛犯離瑜

流星犯離瑜

雲氣犯離瑜

離瑜統占

天文別錄曰離瑜三星在天壘城南其西星入女一十度主婦人衣服首飾珠玉之屬亦主後宮

巫咸曰離瑜三星黃在十二國東主婦人衣服玉飾占曰星微則後宮儉星明大則後宮奢侈客星守之主後宮亂

古今星釋曰離瑜星在十二國東主後宮嬪御首飾金銀寶玉之屬星明潤則後宮有喜星暗則後宮有憂星明大而芒角則後宮奢侈星疎圻則後宮有失勢者星乾聚則後宮有干政者星微則後宮儉星亡則後宮有廢者

大象旁通曰離瑜星移徙則後宮有被黜者星光浮而動搖者主後宮有新進美女爭寵

客星犯離瑜

天文別錄曰客星犯離瑜則後宮有亂亦曰女主有

憂

巫咸曰離瑜主後宮客星犯之則女主惡之

古今星釋曰客星犯離瑜若色白如粉絮主後宮有
匿謀

彗孛犯離瑜

天文別錄曰彗星如帚掃離瑜星主後宮大有喪一
曰女主惡之

古今星釋曰星孛離瑜星主後宮有坐廢嬪御一曰
後宮有喪

流星犯離瑜

天文別錄曰流星抵觸離瑜星主後宮有新進美女
一曰有寵美女懷妬忌

古今星釋曰流星出離瑜主後宮有嬪御被黜一曰
後宮有失勢者

雲氣犯離瑜

天文別錄曰黑雲氣干犯離瑜星後宮有匿謀黃雲
氣干犯離瑜星後宮生太子一曰後宮有喜慶事
白雲氣入離瑜星則後宮有兵起一曰白衣會青
氣出入之為嬪御奢侈赤氣入之有火災一曰後
宮災

司命星論

司命星統占

客星犯司命

彗孛犯司命

流星犯司命

雲氣犯司命

司命統占

天文別錄曰司命二星在虛北其東星入女一十度
主刑罰

甘德占曰司命二星黑在虛北主舉過行罰以當其咎
天文志曰司命二星在虛北主舉過行罰以戒不祥
古今星釋曰司命二星主刺舉奸邪以罰過失以珍

不祥星明潤則主刑罰中星暗則有濫刑星踈坼
則刑罰施而不振二星光相及奄一星主濫刑加
良善星亡則法度大壞

大象旁通曰司命星在虛北主彈舉非法以刺過失
星移動則刑罰不公執法者私心星光浮而數動
搖則人君有枉法一曰天下有寃獄

客星犯司命

天文別錄曰客星犯司命主執法者失職一曰執法
者以事坐法

古今星釋曰客星犯司命若色白如粉絮主貴臣坐

法一曰匡下受誅

彗孛犯司命

天文別錄曰彗孛干犯司命星主大臣被黜一曰彗掃司命則大臣責

古命星釋曰星孛干司命星主執法者以弛慢坐罪一曰司命出彗法官坐罪

雲氣犯司命

天文別錄曰黑雲氣干犯司命星主刺舉不以公心天下有枉法一曰人君賞罰不當其宜黃雲氣入司命法官受賞白雲氣出入司命執法者掌兵青赤氣入之則主臺諫非其人

司祿星論

司祿星統占

客星犯司祿

彗孛犯司祿

流星犯司祿

雲氣犯司祿

司祿統占

天文別錄曰司祿二星次司命其西星入女一十一度主增壽箕星實司之

甘德曰司祿二星黑在司命北主德行祿壽事星實司之

天文志曰司命北二星曰司祿增年延德故在六宗之祀

古今星釋曰司祿二星在司命北主德行壽考星明潤則人君壽考民富國康星暗則君有憂星踈坼則無功者受厚祿星就聚則主享厚祿者懷奸謀星亡則人君棄祀

大象旁曰司祿星光浮而數動搖則主人君祿無功一曰小人乘君子之器其國亂星移徙有失祿輔臣

客星犯司祿

司危星論

司危星統占

客星犯司危

彗孛犯司危

流星犯司危

雲氣犯司危

司危星統占

天文別錄曰司危二星次司祿其東星入虛一度主驕奢淫佚星實司之

甘德占曰司危二星黑在司祿北主驕佚之行奢侈之事星實主之

天文志曰司祿之北二星曰司危主驕佚亡下

古今星釋曰司危二星在司祿北主人君驕奢淫佚
不親國政星實司之星明潤則人君有德政恭儉
節用以身率民星暗則國政大壞天下喪亂以致
棄祀

陳卓叙占曰人君不脩德行不親百姓以奢侈專恣
其國危故司危星亡傳曰司危亡則國亡星移徙
則人君徙都市

客星犯司危

天文別錄曰客星犯司危星主人君驕奢淫佚不脩
德政以親民務而隳其國政故客星犯守司危也

古今星釋曰客星干犯司危星主人君驕淫失國一
曰客犯司危其國失

大象旁通曰客星大如杯守司危星主人君德不通
于天故客星守之

彗孛犯司危

天文別錄曰彗星干犯司危星其國君失德國失祚
一曰有華政

古今星釋曰星孛司危其國有死君又曰有自立諸
侯王

流星犯司危

天文別錄曰流星干犯司危星其國君出奔一曰有強臣逼君

古今星釋曰流星抵司危其國有荒政一曰有亂君匿臣

雲氣犯司危

天文別錄曰黑雲氣如獸狀奄司危星其國有隳政白雲氣如劍戟狀奄司危人君新戎服青雲氣入之國有廢事赤雲氣入之國異政黃雲氣入之人君有喜事

司非星論

司非星統占

客星犯司非

彗孛犯司非

流星犯司非

雲氣犯司非

司非星統占

天文別錄曰司非二星次司危其東星入危二度主枉法不公之事

甘德占曰司非二星黑在司危北主徇情曲法以徇不公

天文志曰司又次北曰司非星主以法就私古今星釋曰司非二星在司危北主執法者徇情曲

法不以公天下怨謗故星明大而有芒角也星暗則法曲星踈圻則法令廢星就聚則法官有朋黨亦曰有匿謀罪加無辜

大象旁通曰司非星移徙執法者輕重其手星亡則法度大壞光浮而數動搖則天下有冤獄罪及忠良天下怨之

客星犯司非

天文別錄曰客星干犯司非星主功罪不得其宜若色如粉絮君之法令不公百姓怨嗟

大象旁通曰客星抵司非其國執法者懷奸佞以誣人君

彗星犯司非

天文別錄曰彗星如箒掃司非星國法大壞一曰紀綱廢

古今星釋曰星字干司非星國有異政一曰國將亡則星字非司

流星犯司非

古今星釋曰流星抵觸司非星無功者在高位一曰賞不信罰不必又曰刑罰不中

天文總占曰流星干犯司非星主執法者逐司非出

流星御史官被逐

雲氣犯司非

天文別錄曰黑雲氣犯司非星其國有曲法一曰有枉法加良民黃氣出司非法官受賜又曰御史受賞白雲氣奄司非刑法加大將又曰有繫獄主將餘色俱凶不利法官

天津星論

天津星統占

客星犯天津

彗孛犯天津

流星犯天津

雲氣犯天津

天津統占

天文別錄曰天津九星在河中其西北入斗二十三度主關津道路

石申占曰天津九星赤在虛北匏瓜東主津渡星明動兵起不正馬貴三星亡天下陷一星亡道不通天文志曰天津九星津梁所度神通四方也一星不備津關道路不通星明動則兵起如沙死人若亂麻微而參差則馬貴若死星亡若徙河水為害或曰水賊稱王也

古今星釋曰天津九星主天下津河及關梁星明潤

天下和平星暗閔津不通星明大及動搖大水一
曰兵起星明大出怒角百川溢糴貴民死

河圖遺書曰天津星踈圻主江河暴漲毀城邑殺人
民星就聚則天下水惠民饑人相食

大象旁通曰天津九星形如弓若星直及移徙主城
邑陷糴貴人相食

客星犯天津

天文別錄曰客星干犯天津星則河津不通舟航阻
水寇為害

古今星釋曰客星犯抵天津五十日以上主水寇起
兵一曰有亂兵

彗孛犯天津

天文別錄曰彗星干犯天津則江淮有兵變一曰有
水寇傾國一曰人君有憂

古今星釋曰星孛犯天津星主其國有亂兵一曰有
兵變

晉安帝隆安四年十二月戊寅有星孛于天津占曰
天津為賊斷王道天下不通五年二月孫恩兵亂
改侵郡國於是內外戒嚴營陣屯守柵斷淮口

流星犯天津

天文別錄曰流星犯天津星主大雨水漂人民毀郡邑
古今星釋曰流星觸天津星其國大水患百川溢民
饑糴貴

後漢和帝永元元年三月丙辰流星起天津為大水
是歲七月雨水漂人民是其應也

永元二年十月癸未流星大如挑起天津西行六
丈所消其至五年七月漂殺人民傷五穀

永元七年正月丁未流星起天津入紫宮中滅色
青黃有光十二月己卯有流星起文昌入紫宮消
皆為大喪八年四月樂成王黨七月樂成王宗皆

薨

雲氣犯天津

天文別錄曰黑雲氣犯天津星其野大水一日有水
荒民饑餓黃雲氣入天津主關津通白雲氣出天
津有水寇為害餘色俱凶

奚仲星論

奚仲星統占

月五星犯奚仲

客星犯奚仲

彗孛犯奚仲

流星犯奚仲

雲氣犯奚仲

奚仲星統占

天文別錄曰奚仲四星在天津北其西星入壁九度
主兵車之用

巫咸占曰奚仲四星在天津北古車正也主兵車星
明則兵車備暗則車革不修

陳卓叙占曰奚仲四星主兵車之用星疎圻則兵車
不備星移則兵車四起星亡則兵車失利

天文總占曰奚仲星在天津北主人君兵革星明潤
則車馬修器械備星暗及數動搖者則人君失車

騎將

天文志曰奚仲四星在天津北主兵車占曰金火守

兵車起

月五星犯奚仲

天文別錄曰月逆犯奚仲星主兵車不時出一曰兵
不以律月暈奚仲期五日有大風雨不則有急兵
古今星釋曰歲星順守奚仲其國兵彊一曰兵威振
鄰國熒惑逆守奚仲其野有兵喪太白犯奚仲主
車騎滿野一曰天子兵盡行

客星犯奚仲

天文別錄曰客星犯奚仲其野有兵謀一曰主將有
異謀

古今星釋曰客星大如杯椀守奚仲星其國君有兵
憂一曰兵起不意亦主有急兵

彗字犯奚仲

天文別錄曰彗星掃奚仲天子兵盡出芒角所指軍

破國亡

古今星釋曰星孛奚仲人君憂兵變亦主國有大喪

又曰星孛奚仲革車均用

流星犯奚仲

天文別錄曰流星犯奚仲則天子遣兵車出征亦曰
以兵禦侮若星流有聲如雷則大將以兵叛至

古今星釋曰流星色白芒角可丈所光若火炬然主
車騎滿野一曰人君失車騎將

雲氣犯奚仲

天文別錄曰黑雲氣入奚仲則天子不備兵車一曰
內有兵變黃雲氣入奚仲大將受斧鉞之權青赤
氣入奚仲三軍之食一曰士卒爭食內亂白雲氣
如兵器入奚仲有急兵

車府星論

車府星統占

月五星犯車府

客星犯車府

彗孛犯車府

流星犯車府

雲氣犯車府

車府星統占

天文別錄曰車府七星在天津東河中東西列其西頭星入虛七主車府之兵革

甘德曰車府七星黑在司祿西北主車府占曰火守兵大動

天文志曰車府七星近河邊主兵車之官

陳卓叙占曰車府七星主兵車星明則車府有備星暗則車革不修

大象旁通曰車府星圻則兵車有震星移則兵車有火災亦曰兵車失利

高宗占曰車府星就聚河中失故處則兵火四起亦兵車有憂

月五星犯車府

天文別錄曰月逆犯車府星主兵車之兵官失職被逐焚惑犯車府則兵器府有火災太白犯車府星其國有急兵一曰人君憂兵

客星犯車府

天文別錄曰客星干犯車府星主軍營有暴客懷謀若客星色蒼白有聲如雷不有破軍必有死將

古今星釋曰客星干犯車府主車騎盈野亦曰器府有災

彗孛犯車府

古今星釋曰彗孛星掃車府主將適三軍散走若光芒所指亡三軍兵器委積如山又曰破軍殺將大象旁通曰星孛車府主車馬不修器械不備兵變不測其國憂兵火亦曰星孛車府軍失行伍

流星犯車府

天文別錄曰流星抵觸車府主外寇內侵利害不利主古今星釋曰流星干犯車府主國失車騎將亦曰國

失地君有憂

雲氣犯車府

天文別錄曰黑雲氣入車府主兵出不以律亦曰三軍失行伍蒼白氣入車府主車馬不修器械不備黃氣出車府人君有威權青赤氣入車府其國車騎滿野

造父星論

造父星統占

月五星犯造父

客星犯造父

彗孛犯造父

流星犯造父

雲氣犯造父

造父統占

天文別錄曰造父五星在騰蛇北其東星入危五度
半主御官

甘德占曰造父五星黑在鈞星西主御官占曰星不
見則馬暴貴星明則車馬備

天文志曰造父五星在騰蛇北主御車馬明吉暗凶
河圖遺書曰造父為天子御官主奉御之職星傳與
王良同占星明潤則吉不明則天下馬貴星踈圻
則人君不修車馬星就聚則奉御有異謀星移徙
則御官以失職被逐者星動搖及變色者則法駕
有憂

月五星犯造父

天文別錄曰月犯造父主賤臣干政一曰臣下矯制
熒惑犯造父主下犯上太白犯造父主車駕有憂
震若經天及成鈞已者法駕震一曰有兵變

客星犯造父

天文別錄曰客星犯造父主兵車寇畿甸一曰天子
憂兵

古今星釋曰客星出造父王者法駕侍衛有叛謀一
曰君惡之

彗孛犯造父

天文別錄曰彗星出造父則天下有更王傳曰彗所以除舊實新天子惡之一曰為兵喪

古今星釋曰星孛造父奉御匿謀一曰下犯上臣逼君

流星犯造父

天文別錄曰流星抵觸造父主奉御不安職亦曰天子有憂

古今星釋曰流星出造父主法駕移亦主人君出狩亦曰兵起

雲氣犯造父

天文別錄曰黑雲氣入造父則為內兵出造父為外兵白雲氣入出造父主天子不安王庭亦主宗廟有虞黃氣入之奉御以職受賞

墳墓星論

墳墓星統占

客星犯墳墓

彗孛犯墳墓

流星犯墳墓

雲氣犯墳墓

墳墓統占

天文別錄曰墳墓四星在危東北其中星入危六度

主死喪送葬之事

石申占曰墳墓四星在危下主喪葬占曰明多死亡

天文志曰泣星東北四星曰墳墓主死喪之事

古今星釋曰墳墓星主死葬之事星不欲明大明大

則主有大喪星直列主貴人暴死星明大出怒角

其野有死君星踈坼天下多疾疫星就聚其野有

遺尸

大象旁通曰墳墓星移徙則其國營陵一曰太陵有

新喪星微明及不見則吉

客星犯墳墓

天文別錄曰客星犯墳墓星其國多死葬主人君諒

陰客墳墓人君惡之

大象旁通曰客星出墳墓大如椀色白如粉絮其國

有大喪

彗孛犯墳墓

天文別錄曰彗星掃墳墓天子惡之主國有更王一

曰有篡弑之禍

古今星釋曰星孛墳墓星其國有死君一曰有大喪

流星犯墳墓

天文別錄曰流星抵觸墳墓星其國有外喪一曰人

君當之

古今星釋曰流星出墳墓星其國有大兵喪一曰諸侯有死喪送奠之事

雲氣化墳墓

天文別錄曰黑雲氣入墳墓星其國有喪禍出墳墓有兵起黃雲氣入墳墓星外國有喪天子遣弔使餘色俱凶

哭星論

哭星統占

五星化哭星

客星化哭星

彗孛化哭星

流星化哭星

雲氣化哭星

哭星統占

天文別錄曰哭二星在虛南其西星入虛二度主哭泣死喪之事

甘德占曰哭二星黑在墳墓南星不欲明明則多哭泣事金守亦然常暗不欲明則吉

天文志曰哭二星與泣星相並不明則吉明大則多死亡哭泣之事

古今星釋曰哭二星不喜明貴暗若星明大則死人如山若明大出怒角則多貴人喪星移主貴喪暴

露星亡爲得常則吉遇變則凶一曰國多死喪
五星犯哭星

古今星釋曰熒惑犯哭星主天子有哭泣事太白犯
哭星主天下有大喪哭泣之事若太白經天或逆
犯哭星主兵喪

晉穆帝昇平二年十月己未太白犯哭星占曰有大
哭泣

晉孝武太元元年九月熒惑犯哭星占曰天子有哭
泣事四年十一月丁巳太白犯哭星占曰天下有
哭泣事五年九月皇后王氏崩二十一年六月歲

星犯哭星占曰有哭泣事是年九月帝崩恭帝元
熙元年七月己卯太白犯哭星安帝隆安元年正
月癸亥熒惑犯哭星占曰有哭泣事六月姚萇攻
洛陽郗恢遣兵救之冬姚萇死子略代立魏王圭
即位於中山

客星犯哭星

天文別錄曰客星犯哭星其國有大哭泣事若客星
出哭星主有外喪

古今星釋曰客星大如五升器守哭星積二十日以
上其國有大喪人君當之

彗孛犯哭星

天文別錄曰彗星掃哭星主人君諒陰一日為白衣會若芒角所指國必亡

古今星釋曰星孛出哭星其野有大戰殺人盈野血流地上亦曰有屠城

流星犯哭星

天文別錄曰流星干犯哭星人君有大憂若流星出哭星其國人君自將兵

古今星釋曰流星抵觸哭星則兵聚其下伏尸于野積骨如丘山

雲氣犯哭星

天文別錄曰蒼白雲氣入哭星人君有大喪出若蒼白氣出哭星禍除赤氣入哭星有女喪青氣入哭星人君有大憂黑雲氣入哭星主兵起

泣星論

泣星統占

月五星犯泣星

客星犯泣星

彗孛犯泣星

流星犯泣星

雲氣犯泣星

泣星統占

天文別錄曰泣二星在危南共西星入危二度半亦

主哭泣之事

甘德占曰泣二星黑在墳墓南與哭星相並星不欲明潤欲其微暗暗則吉明大則多死亡星踈圻相遠而有光區及怒角則天下多死喪哭泣之事亦曰棺木暴貴

天文志曰哭星之北二星曰泣星主哭泣之事亦主天下喪葬哭泣之事

古今星釋曰泣星明出怒角乍東乍西光而不定者天下多死喪若星不見則國有喜

月五星化泣星

天文別錄曰月逆化泣星其國疾疫橫尸滿野不然有屠城

大象旁通曰歲星化泣星人君憂兵喪焚惑化泣星在陰有女喪在陽有男喪在泣星中人君惡之

晉安帝隆安元年正月癸亥焚惑化泣星占曰有哭泣事四年六月辛酉月化泣星其年七月太皇太后李氏崩

義熙二年九月壬午焚惑化泣星又化泣星占曰有哭泣事七年十一月丙子太白化泣星占曰有喪葬事

八年八月戊申月犯泣星占曰人君惡之

客星犯泣星

天文別錄曰客星犯泣星其國有諱陰事一曰兵出不意防內亂人君有憂

古今星釋曰客星大如杯椀守泣星主有外喪一曰有外寇暴起

彗孛犯泣星

天文別錄曰彗星掃泣星人君憂兵喪一曰其下有亡國

古今星釋曰星孛干泣星其野有屠城

流星犯泣星

天文別錄曰流星干犯泣星人君有憂若流星出泣星主天子遣大將出征色白有聲兵潰將死

古今星釋曰流星抵觸泣星兵戰其下一曰有伏尸流血積骨如丘山

雲氣犯泣星

天文別錄曰白雲氣奄泣星主人君有哭泣事赤氣出泣星主兵戰于野白氣出泣星戰不利客為主者勝

蓋屋星論

蓋屋星統占

月五星犯蓋屋

客星犯蓋屋

彗孛犯蓋屋

流星犯蓋屋

雲氣犯蓋屋

蓋屋星統占

天文別錄曰蓋屋二星在危南其西星入危九度主
宮室修造

甘德曰蓋屋二星黑在危南主宮室占曰火金守之
兵起彗孛尤甚

天文志曰天壘城南二星曰蓋屋主治宮室之官也
古今星釋曰蓋屋星在危南主修宮室治闕廷之官
星黃潤則國君務本不尚奢侈星明大出怒角其
國有大役星亡則徙都市星移徙則宮室一新下
民勞怨

月五星犯蓋屋

天文別錄曰月逆犯蓋屋主入君修宮室治土功災
惑入蓋則宮闕災一曰人君惡之太白犯守蓋屋
人君興土役民怨為亂

客星犯蓋屋

天文別錄曰客星干犯蓋屋其野以土木勞民上下
胥怨

古今星釋曰客星抵蓋屋主人君崇樓殿以蠹國用
一曰國用匱乏下民怨謗

彗孛化蓋屋

天文別錄曰彗孛星掃蓋屋星其國有改王一曰彗
掃蓋屋則土功興土功興役則國祚棄故星傳所
謂彗掃蓋屋則國除

古今星釋曰星孛蓋屋其野社稷傾一曰有星孛于
蓋屋主土功興社稷傾

流星化蓋屋

天文別錄曰流星化蓋屋主宮殿崩陷天子有驚虞

一曰外奸通內謀

古今星釋曰流星抵觸蓋屋人君務奢侈以壯宮于
勞百姓耗國財天下怨嗟

雲氣化蓋屋

天文別錄曰黑雲氣入蓋屋人君竭民力以恃土役
天下不安民失其業

古今星釋曰黃雲氣入蓋屋主人君德

虛梁星論

虛梁星統占

月五星化虛梁

客星化虛梁

彗孛化虛梁

流星犯虛梁

雲氣犯虛梁

虛梁統占

天文別錄曰虛梁四星在虛東其西星入虛七度主天子園陵寢廟之所

巫咸占曰虛梁四星黃在蓋屋前主園陵寢廟之象星釋坼則王者惡之星徙則有大喪星亡則園陵有災

天文志曰蓋屋前四星曰虛梁主園陵寢廟之所

古今星釋曰虛梁星在虛東主天子園陵寢廟之所星不欲明大而喜微明若明大而有芒角其國大喪星細明而黃潤不失其常國祚安人君壽若光浮而數動搖者其國兵喪大人惡之

大象旁通曰虛梁星移徙國有大喪大人當之星亡則寢廟有災一曰人君諒陰

陳卓叙占曰虛梁星明出角則人君有大憂亦曰國有喪

月五星犯虛梁

天文別錄曰月犯虛梁其下有女喪一曰園陵興土功陳卓叙占曰焚惑犯虛梁主寢廟有火災一曰天子惡之太白犯虛梁其國有內變一曰宗廟毀國祚亡

客星犯虛梁

天文別錄曰客星犯虛梁其下有外喪一曰有貴喪亦曰大人當之

古今星釋曰客星犯虛梁大如椀色白如粉絮其國死君亦曰有亡國

彗孛犯虛梁

天文別錄曰彗星掃虛梁人君惡之一曰其下有更王

大象旁通曰星孛虛梁其國有死君一曰寢廟有災流星犯虛梁

天文別錄曰流星抵觸虛梁其國有外喪一曰暴死貴人

古今星釋曰流星干犯虛梁其下有兵變傾覆宗社天子惡之

雲氣犯虛梁

天文別錄曰黑雲氣入虛梁其野有內亂寢廟焚毀白雲氣入虛梁主有兵起寢廟一曰有兵喪

天壘城論

天壘城統占

客星犯天壘城

彗孛犯天壘城

流星犯天壘城

雲氣化天壘城

天壘城統占

天文別錄曰天壘城一十三星圓如大錢在哭星南二尺其西北星入女一十三度主夷外國
巫咸占曰天壘城一十三星黃在泣星南星開口則夷狄猖獗中原星不圓則外夷入寇星直則匈奴入境星明大有怒角則外侮不禦王者治者道不舉外寇內侵

天文志曰泣星南十三星曰天壘城如貫索星狀主北夷零丁匈奴

古今星釋曰天壘城星主夷狄之國星暗則吉星明則中國有邊警星疎坼其國有不庭之方星就聚其野有邊患十三星俱亡則中外交兵

客星化天壘城

天文別錄曰客星入天壘城外夷有兵謀一曰邊地

有釁

許新切
災也

邊民受禍

大象旁通曰客星入天壘城中國起兵伐外國若出天壘城則不有破軍必有死將

彗孛化天壘城

天文別錄曰彗孛星掃天壘城外夷強盛入寇邊陲

古今星釋曰星字天壘城其下有死君一曰有易王
流星化天壘城

天文別錄曰流星抵觸天壘城外國有奸使入中國
古今星釋曰流星抵天壘城其野有彊兵一曰邊將
出境

雲氣犯天壘城

天文別錄曰黑雲氣入天壘城中外交侵一曰中國
邊擾黃雲氣入天壘城夷狄順命白氣入之有急
兵餘俱凶

乾象通鑑卷第八十七

乾象通鑑卷第八十八

河間府免解進士臣李季奉

聖旨編

北方雜座統論下

敗臼星論

人星論

杵星論

臼星論

土公吏論

離宮星論

騰蛇星論

雷電星論

雲雨星論

霹靂星論

天錢星論

斧鉞星論

北落師門星論

天網星論

壘壁陣論

羽林星論

八魁星論

土公星論

敗曰星論

敗曰星統占

月五星犯敗曰星

客星犯敗曰

彗孛犯敗曰

流星犯敗曰

雲氣犯敗曰

敗曰星統占

天文別錄曰敗曰四星兩兩相對其西頭北星入危

五度主夷狄

石申占曰敗曰四星赤在天田南主北夷匈奴之類

占曰金火守之夷兵犯塞

陳卓叙占曰敗曰星在天田南主北夷匈奴之事星

暗則北夷順命星明大則匈奴犯塞星端列則中

外不通好邊有急兵星踈圻夷狄有不庭之方星

就聚其國疆盛大寇中土星俱亡主匈奴失國

月五星犯敗曰星

天文別錄曰月逆犯敗曰主夷狄與中國抗衡一曰

匈奴得獫狁

古今星釋曰彗或逆犯敗曰主外夷入寇其下有急

兵太白逆化敗曰其國有屠城

客星化敗曰

天文別錄曰客星化敗曰外夷有兵謀一曰邊陲有暴兵起

古今星釋曰客星大如五升器守敗曰色赤黃主有急兵若守五十日不去者其下有亡國

彗孛化敗曰

天文別錄曰彗星如帚掃敗曰主外夷彊盛以寇中土一曰邊城失土地

曰有屠城

流星化敗曰

天文別錄曰流星抵觸敗曰星其國有奸使入境一曰外夷遣使懷奸

古今星釋曰流星入敗曰中中國有使若色白有聲中外交兵

雲氣化敗曰

天文別錄曰黑雲氣如牛馬入敗曰其下有兵謀黃雲氣出入敗曰主中外通好天下和平白雲氣如劍戟狀不有破軍必有亡城

人星論

人星統占

客星犯人星

彗孛犯人星

流星犯人星

雲氣犯人星

人星統占

天文別錄曰人五星在虛北其西南西星入虛六度
主四方之人亦曰防淫邪詐偽

甘德占曰人星五星黑在車府南主安寧占曰明吉
不見人詐為詔書

天文志曰車府東南五星曰人星主靜衆廢柔遠能
通一曰卧星主防淫佚

古今星釋曰人星在虛南主四方之人一曰禁奸防
偽星明潤光澤四方之人無犯非法一曰風俗同
人星暗則風俗澆薄星亡則下民為亂一曰民詐
為詔令星踈坼則民窘匱星就聚則民多為盜

客星犯人星

天文別錄曰客星干犯人星主外國人至亦曰人習
外教以惑衆

古今星釋曰客星抵人星其野有亂民若形大如斗
器色白如粉絮者天下之民多嘯聚山林為盜賊

彗孛犯人星

天文別錄曰彗星孛犯人星其國有祲言下民為亂以至僭竊

古今星釋曰星孛干犯人星其下有淫風以至亡國一曰民暴為亂

流星犯人星

天文別錄曰流星犯人星其下民失業又曰百姓流亡不得其所若星流而有聲如雷其國大饑民多死亡

古今星釋曰流星抵觸犯人星其國有亂臣一曰民以祲言鼓惑衆心若蒼白百姓負干戈天子親甲

冑

雲氣犯人星

天文別錄曰有黑雲入人星則耕夫為盜白雲氣如人狀其國有民為亂一曰民有祲言以害國政

杵星論

杵星統占

客星犯杵星

彗孛犯杵星

流星犯杵星

雲氣犯杵星

杵星統占

天文別錄曰杵星三星在臼星北其南星入危三度主軍兵亦主軍之儲蓄

甘德占曰杵星黑在人星東主軍儲星直則吉不正則軍飢

天文志曰杵三星在箕南杵給庖春客星入杵曰天下有急兵

古今星釋曰杵星在臼星北主春庖以給軍星明潤則三軍足食暗則軍儲不繼星直列則吉不正在臼上則歲不熟亦曰有急兵一曰杵星屈曲軍糧不宿

大象旁通曰杵三星直列臼上為得常或曲或在臼下皆為變得常則吉遇變則凶

古今通占曰杵星主三軍儲蓄星不正在臼上其國軍飢亦曰軍攘食為亂又曰杵不直軍無食

客星犯杵星

天文別錄曰客星干犯杵星主外寇掠糧擾民又曰盜賊爭食

古今星釋曰客星大如五升器光色若粉絮守犯杵星不出一年國飢民死一曰軍無食潰走

彗星犯杵星

天文別錄曰彗星掃杵星主國有急兵一曰有死大將若光芒可丈所以上者國無兵政亦曰國大飢人相食

古今星釋曰星孛杵星上其野大凶民爭食為亂國有飢民

流星犯杵星

天文別錄曰流星抵觸杵星其國民飢流亡亦曰國多盜賊而民有菜色

古今星釋曰流星出杵星其野有急兵又曰國出師千里饋糧民多勞怨

雲氣犯杵星

古今通占曰黑雲氣犯杵星其國大水民饑亦曰軍乏糧匱白雲氣出入杵星其野有急兵素赤氣入之其國有兵喪黃雲氣為喜亦曰軍勝

白星論

白星統占

客星犯白星

彗孛犯白星

流星犯白星

雲氣犯白星

白星統占

天文別錄曰白星四星在危東其西南星入危三度
主歲之豐凶

甘德占曰白四星黑承杵主春事覆飢仰熟

古今星釋曰白星主歲之豐凶星明潤則其歲豐星
暗微則穀不熟星踈拆則五穀有水旱蟲螟之患
星就聚則歲歉民飢星仰則百穀順成星覆則民
多菜色四星移徙則天下民流四星俱亡則其國
大飢人相食又曰四星俱沒百姓炊骨

客星犯白星

天文別錄曰客星干犯白星主有急兵掠民食若客
星守白中其國攘食為亂若守白外其野有兵不
成災亦曰國小饑又曰有小兵

古今星釋曰客星抵白中其國軍乏糧大將惡之又
曰國饑民受禍

彗星犯白星

天文別錄曰彗星干犯白星其國大饑人相食百姓
為亂以至亡國一曰百姓流國祚失

古今星釋曰星孛干白中人君憂食天廩無米一曰
星孛白中食廩皆空

流星白星

天文別錄曰流星抵觸曰星其野歲凶民流離散徙
兄弟妻子不相保有

古今星釋曰流星入曰中有貸粟使至星大使大星
小者使小若隆隆有聲如雷所之國起兵爭食

雲氣犯曰星

天文別錄曰黑雲氣出曰中主盜賊掠民食入曰中
其國兵起白雲氣如兵器覆曰星上其國有急兵
或大喪黃氣出入之為吉為歲豐餘氣出入之俱
凶

土公吏星論

土公吏星統占

客星犯土公吏

彗孛犯土公吏

流星犯土公吏

雲氣犯土公吏

土公吏星統占

天文別錄曰土公吏二星在危北東其東星入危九
度主過失亦主兵

甘德占曰土公吏二星黑在靈梁東北主設備過失
占曰金火守犯兵起

天文總論曰土公吏二星在危北主兵起亦主過失
星明潤則百姓無犯非禮星暗則天下不尚義民

多過失星踈圻則其國禮義廢下民為亂星就聚其國有急兵星移徙百姓去國又曰國飢民徙星亡則糴貴百倍

客星犯土公吏

天文別錄曰客星犯土公吏星其國禮義廢百姓多犯非法亦曰百為亂

古今星釋曰客星出土公吏其野民多過失下民不畏法令亦曰天下多寇盜

彗孛犯土公吏

天文別錄曰彗星掃土公吏主野將擅推聚民為盜亦曰彗出土公吏百姓非

古今星釋曰星孛于土公吏其國民多犯法亦曰國無法度以禁民非又曰民亂國亡

流星犯土公吏

天文別錄曰流星委曲入土公吏王者失政百姓流亡亦曰人君政急民多勞怨

古今星釋曰流星犯土公吏抵觸有聲其國有百姓為亂

雲氣犯土公吏

天文別錄曰赤氣入土公吏國有急令民失其業白

氣出土公吏下民為盜擾國蒼白氣如劍戟狀入土公吏其野民聚不畏國法

離宮星論

離宮星統占

月五星犯離宮

客星犯離宮

彗孛犯離宮

流星犯離宮

雲氣犯離宮

離宮星統占

天文別錄曰離宮六星兩兩相連夾附營室上宿度同營室亦王者別宮休息之所

石申曰離宮六星赤兩兩相連羅於營室上主天子別宮占曰金火守兵起

天文志曰營室二星上二星東北二星下垂曰離宮次二星曰離宮主天子別宮亦主隱藏休息之所古今星釋曰離宮星主天子別宮游息之所也星明潤則宮闕無彘星踈圻後宮有異謀星執聚在營室上主後宮有兵變亦曰後宮有兵喪星移徙天子禁庭有姦謀亦曰天子無出宮星俱亡則天子憂內亂

月五星犯離宮

天文別錄曰月逆行犯離宮星其國有女喪亦曰後

宮有兵喪

古今星釋曰熒惑逆犯離宮主女主失勢亦曰後宮有憂太白經天犯離宮主後宮有兵變亦曰有大喪

客星犯離宮

天文別錄曰客星干犯離宮星主刺客入禁廷亦曰大人惡之一曰外奸通內陰謀

古今星釋曰客星抵離宮星大如五升器及五十日不下者天子禁闕有兵起

彗孛犯離宮

天文別錄曰彗星如箒掃離宮主後宮有急兵亦曰女主惡之

古今星釋曰星孛干離宮星犯營室中其國有女喪亦曰天子惡之又曰有兵喪

流星犯離宮

天文別錄曰流星如蛇行委曲入離宮主後宮有奸謀亦曰後宮有外姦

古今星釋曰流星抵觸離宮天子出遊嬉不時亦主天子潛行

雲氣犯離宮

天文別錄曰黑雲出離宮天子無出宮防外奸白雲
氣入離宮主後宮兵起青氣入離宮主後宮爭寵
陰殺無辜

騰蛇星論

騰蛇星統占

客星犯騰蛇

彗孛犯騰蛇

流星犯騰蛇

雲氣化騰蛇

騰蛇星統占

天文別錄曰騰蛇二十二星在營室北河中尾三星
出河南其星身西北明星入危六度主水蟲亦主
水旱

天文別錄曰騰蛇二十二星在營室北天蛇星主水
虫星明則不安客星守之雨水為災水物不收

石申曰騰蛇二十二星赤在營室北天蛇主水虫占
曰明而微國安移南大旱移北大水

天文總占曰騰蛇星主水虫亦主水旱星喜微明而
不喜明大微明為常明大為變星半隱半顯主雨
暘不明星不能悉教主水虫在陸星俱亡則水怪
見亦曰水怪在陸期五十日百川暴漲傷禾稼
大象旁通曰騰蛇星移徙主水旱不常移南則天下

大旱移北則天下大水星踈坼則洪水橫流星就聚則赤地千里

客星犯騰蛇

天文別錄曰客星干犯騰蛇星主歲旱國飢百姓流徙失其本業一曰國歎民飢

古今星釋曰客星入騰蛇其國水溺都市一曰井邑行舟魚行千里

彗孛犯騰蛇

天文別錄曰彗星如疋練光若火炬長可數丈所犯騰蛇其國大水毀城邑亦曰百姓失業人君徙

都

古今星釋曰星孛于騰蛇主大水入國都民流徙百姓去國天子徙都亦曰大水民饑

流星犯騰蛇

天文別錄曰流星抵觸天蛇星中主大水溺禾稼漂泛人民亦曰有水寇

古今星釋曰流星入騰蛇主水大流星出騰蛇主大旱亦曰流星入抵騰蛇有聲如雷主百日連陰期一年人臣為亂

雲氣犯騰蛇

天文別錄曰黑雲氣入騰蛇其國大水傷禾糴貴民
饑白雲氣入騰蛇其野有兵爭食亦曰有水寇青
赤氣入騰蛇俱主歲歉水旱不常

雷電星論

雷電星統占

客星化雷電

彗孛化雷電

流星化雷電

雲氣化雷電

雷電星統占

天文別錄曰雷電六星在箕南其西北星入危一十
四度主雷電亦主君之號令

甘德曰雷電各三星在雲雨西占曰明多雷電非時
君之號令失

天文志曰雷電六星在營室南主天之雷電君之號
令明則雷電多失時君令多急

陳卓叙占曰雷電星明則雷電多星疎圻則雷電非
其時人君發號施令不得其中亦曰下民多怨

古今星釋曰雷電星主天之雷電人君發號施令于
民星明大有芒角則冬多雷電星動搖則其國有
急令亦曰刑威不振

大象旁通曰雷電星明大而數搖動則其國法急民

怨星亡則慶賞刑威不自天子出星移徙主國令
改一曰有更政

客星犯雷電

天文別錄曰客星干犯雷電主王者之政臣下擅之
亦曰法度更革出自人臣又曰政事廢亦曰政事
改

古今星釋曰客星大如挽守雷電及五十日以上者
期一年其國有新政

彗孛犯雷電

天文別錄曰彗星掃雷電星其國政事隳廢人君惡
之一曰革命

古今星釋曰星干雷電其野有新令一曰國有改君
則星孛雷電

流星犯雷電

天文別錄曰流星犯雷電其國有政令出自大臣一
曰有竊權大臣

古今星釋曰流星抵觸雷電其國有犯法人臣一曰
執法者苛虐天下怨謗亦曰有急政百姓怨嗟

雲氣犯雷電

天文別錄曰黃雲氣犯雷電其國有德令人君愛民

天下和平黑雲氣犯雷電其野有急政以霍民一
曰君令急有白雲氣犯雷電則人君法令不行天
下

雲雨星論

雲雨統占

客星犯雲雨

彗孛犯雲雨

流星犯雲雨

雲氣犯雲雨

雲雨統占

天文別錄曰雲雨各二星在霹靂南其西北星入室
五度主水旱

甘德曰雲雨四星黑在霹靂南明則多雨水水守大
滂傷禾稼火守旱

古今星釋曰雲雨星在霹靂南主歲旱水年之有無
星明大則歲多雨水星微明小則歲豐民樂星移
徙近霹靂則大旱近雷電則大水

古今通占雲雨星有芒角尔東乍西者其國歲凶水
旱不時糴貴民飢星暗主大雨水星亡則主大旱
兩星俱亡則主天下人相食

客星犯雲雨

天文別錄曰客星犯雲雨星其國多雨水天下大滂

禾稼爲魚食

古今星釋曰客星犯雲雨星其野有大水江河合流
一曰陸野行舟若星大如斗器守之及五十日不
去者國都爲大津

彗孛犯雲雨

天文別錄曰彗星犯雲雨其國有水滂糴貴十倍民
多食魚一曰旣釜生魚

古今星釋曰星孛干雲雨星其野有水災一曰國因
水飢百姓爲寇又曰民多怨

流星犯雲雨

天文別錄曰流星犯雲雨星陽其國大旱犯星陰其
國大水抵雲雨星中則先水後旱

古今星釋曰流星抵觸雲雨星中則其國大饑主水
旱不時歲歉民死

雲氣犯雲雨

天文別錄曰黑雲氣出入雲雨中其野大滂傷禾稼
白雲氣出入雲雨星中其野有大水寇一曰百姓
攘食爲盜黃雲氣覆雲雨上其歲大穰餘色俱爲
凶兆

霹靂星論

霹靂星統占

客星犯霹靂

彗孛犯霹靂

流星犯霹靂

雲氣犯霹靂

霹靂統占

天文別錄曰霹靂五星在雷電南其西星入室一度主電擊

甘德占曰霹靂五星黑在雲南北主電擊星明則多震聲其下君有峻法暴令雲及民人民人多怨

天文志曰霹靂五星在雷電東南主電擊

古今星釋曰霹靂星在雷電東南主電擊以象天子號令星明大而冇芒角主人君酷政害民天下苦之星暗則人君法令不行于天下亦曰法度隳壞政教陵遲

大象旁通曰霹靂星踈圻則天下不畏國法星就聚則百姓多陷非法星光動搖則國多改法一曰人君政令多更改五星俱亡則禮樂法度大壞國將棄祀

客星犯霹靂

天文別錄曰客星抵霹靂星其國政令多易一曰有更政

古今星釋曰客星大如瓜抵霹靂星其野新法度以
酷民下民怨天下苦之

彗孛化霹靂

天文別錄曰彗星如帚掃霹靂星其國有更王亦曰
曰有革政星傳曰彗出霹靂除旧寘新此更王革
政之象也

古今星釋曰星孛于霹靂其國有廢政亦曰有苛政
以酷民一曰君令急其政苛

流星化霹靂

天文別錄曰流星化霹靂星其國有執法者坐法一
曰有寃獄

古今星釋曰流星出霹靂星其國政苛急若迅雷然
百姓苦之下民多怨其民困

雲氣化霹靂

天文別錄曰黑雲氣化霹靂星其國君有急政以酷
民亦曰君法虐民多怨謗為亂白雲氣化之其國
法度隳廢政令不施于民天下大亂

天錢星論

天錢星統占

月五星化天錢

客星化天錢

彗孛化天錢

流星犯天錢

雲氣犯天錢

天錢星統占

天文別錄曰天錢一十星在壘壁陣頭其西南星入危一度主錢帛

巫咸占曰天錢一十星黃在北落西北主財帛所聚星明則庫盈星暗則虛金火守之兵起盜生

天文志曰北落西北十星曰天錢主財物事

古今星釋曰天錢星在北落師門西北主財賄之所聚主庫藏貯財蓄賄之所也星明則府庫充盈暗則國用耗之凡國用之衍耗候天錢以占之

大象旁通曰天錢星主財帛積聚之所星疎坼不圓其國多失財賄星就聚則君不節儉國用匱乏星圓若大錢天錢問口府庫無有國用匱乏之象也
月五星犯天錢

天文別錄曰熒惑逆犯天錢星其國有大寇掠民財天下多忿爭一曰財帛耗乏太白逆犯天錢星其國有急令以剝民財一曰太白守天錢中其國兼并失利

客星犯天錢

天文別錄曰客星犯天錢其國蠹用以損民財一曰

君不儉嗇以損兼并

古今星釋曰客星犯天錢其國多失利錢帛耗敗以刻剝爲心又曰重欲虛費以逞已欲百姓若之

彗孛犯天錢

天文別錄曰彗星掃天錢星奄星不見其國府庫空虛國用耗乏下民多怨以苦剋剝

古今星釋曰星孛天錢中其國失利源人君損財以恣已欲百姓胥怨

流星犯天錢

天文別錄曰流星出天錢中其國空虛民苦刻剝天下胥怨百姓失業

古今星釋曰流星抵觸天錢星其野人君損兼并百姓苦之一曰府庫不充國用隳廢

雲氣犯天錢

天文別錄曰黑雲氣入天錢星中奄星不見其國民困失百姓心一曰國貧民窘白雲氣入天錢中其野有兵爭財帛

古今星釋曰黃雲氣出入天錢其野國用富有府庫充盈青赤氣入天錢其國府庫多大殃

斧鉞星論

斧鉞星統占

月五星犯斧鉞

客星犯斧鉞

彗孛犯斧鉞

流星犯斧鉞

雲氣犯斧鉞

斧鉞星統占

天文別錄曰斧鉞三星在北落師門東共西星入危一十六度主殺伐事

巫咸曰斧鉞三星黃在北落師門東主殺伐星明則斧鉞用星圻則諸侯不專斧鉞星移則臣下不受制于天子星曲則下有叛謀星微明則吉

古今星釋曰斧鉞星在北落師門東主天子以錫諸侯之物將以專征也亦主殺伐之事星不欲明大而喜微明星不貴出怒角而尚黃潤星微明則吉明大則凶出怒角則諸侯擅權星黃潤則列國進秩

大象旁通曰斧鉞星踈圻則諸侯不專斧鉞星移徙則諸侯不受制于天子星就聚主大臣彊盛人君失勢星曲屈不直則大臣有叛謀

月五星犯斧鉞

天文別錄曰熒惑逆犯斧鉞星其國斧鉞用亦曰人君失勢百姓被戎服太白犯斧鉞則諸侯有自立

者一曰其國有更王鎮星犯斧鉞則斧鉞用

晉穆帝永和十年正月癸酉鎮星奄斧鉞占曰斧鉞用是時桓溫擅命朝臣多見迫脅四月溫伐苻健破其峻柳軍十二月慕容恪攻齊

客星犯斧鉞

天文別錄曰客星犯斧鉞星其國有大臣以陰謀犯上不成客星若守斧鉞及五十日以上者其國斧鉞用一曰叛臣坐法

古今星釋曰客星大如五斗器犯斧鉞有急兵一曰朝廷憂外寇至

彗孛犯斧鉞

天文別錄曰彗星干犯斧鉞其國有兵變國亡兵潰將死

古今星釋曰星孛干斧鉞主其國有亂臣以竊主柄一曰星孛斧鉞其國流血亦曰亂臣賊子相戕也

流星犯斧鉞

天文別錄曰流星干犯斧鉞星主外寇用兵以侵中土其國有急兵一曰為暴兵

古今星釋曰流星抵觸斧鉞諸侯不專斧鉞亦曰天子任人不專臣下為亂亦曰有暴兵

雲氣犯斧鉞

天文別錄曰黑氣入斧鉞星其野有自立諸侯有白雲氣出斧鉞其國有彊臣一曰人主失勢受制于強臣

廣古今占曰黃雲氣入斧鉞天子以斧鉞賜諸侯一曰上下之分嚴尊卑之禮得矣有赤氣入之列國相侵伐青氣入之國大飢

北落師門星論

北落師門星統占 客星犯北落師門

彗星犯北落師門 流星犯北落師門

雲氣犯北落師門

北落師門統占

天文別錄曰北落師門一星在羽林星西南入危一十二度主兵亦曰主軍門

石申曰北落師門一星赤在八魁西主天軍門次候兵星明則軍閑吉暗則兵起金火守兵起客入虜寇犯塞兵不利

天文志曰北落師門在羽林西南北者宿在北方也落者天之藩落師衆也師門猶軍門也長安城北門曰北落門以象此也主非常以候兵有星守之

虜入塞中兵起

古今星釋曰北落師門在羽林西南主中外之兵占星以候其出入星明潤則中外無兵邊陲安靖星出怒角則北虜犯塞一曰北夷起兵

客星犯北落師門

天文別錄曰客星抵北落師門中主外夷舉兵以寇塞一曰邊民受禍又曰虜兵入中土境

古今星釋曰客星大如杯光色純白守北落師門其國邊有兵變一曰破軍殺將邊城陷邊民擾

彗孛犯北落師門

天文別錄曰彗星干犯北落師門其國有邊兵叛一曰虜寇犯邊陲

古今星釋曰星孛干北落師門其國邊疆失土一曰陷邊城

大象旁通曰星孛干北落師門星色蒼白其邊兵殺大將叛一曰胡兵戮邊將掠邊民

流星犯北落師門

天文別錄曰流星犯北落師門則外寇入邊塞一曰虜寇內侵

古今星釋曰流星抵觸北落師門則主邊兵潰一曰

邊將為虜所擒

雲氣犯北落師門

天文別錄曰黑雲氣入北落師門則其國有邊釁

許

切蒼白雲氣入北落師門邊民有離心邊兵有叛

謀赤氣入北落師門其野邊將死不然被黥青雲

氣入之主邊塞饑饉

後漢孝順帝永建二年九月戊寅有白氣廣三尺長

十餘丈從北落師門南至斗占曰兵起

天網星論

天網星統占

客星犯天網

彗孛犯天網

流星犯天網

雲氣犯天網

天網星統占

天文別錄曰天網一星在危南入危八度主遊獵帳

慢之物

巫咸曰天網一星黃在北落師門之西主遊獵帳慢

占曰金火入其分野兵起

天文志曰北落師門西南一星曰天網主武帳星明

則王者好田獵星亡則有暴兵起星暗則吉

古今星釋曰天網一星在北落師門之南主天子遊

獵馳騁之象主武帳星明大則王者好田獵星有浮光而數搖動則天子馳騁有逐戰之荒星出怒角國內有急兵星亡則兵起不測百姓受禍國政隳廢天下苦之

客星犯天網

天文別錄曰客星干犯天網星其國人君有弊政百姓有離心一曰人君好遊獵不務德化國祚將亡古今星釋曰客星大如五升器色蒼白抵天網則其國上下務遊獵逐逐獸以荒國

彗孛犯天網

天文別錄曰彗孛干犯天網星其國有更王一曰有荒政

古今星釋曰星孛干天網其野人君好武以遊獵為務政事缺矣一曰星孛天網君政急荒亦曰百姓有離心天下將亂

流星犯天網

天文別錄曰流星抵觸天網星其野有逐獸之君尚武之主一曰田獵之君將失其國故流星抵天網大象旁通曰流星干犯天網主人君不施德政以逐獸為先務百姓胥怨天下之心離

雲氣犯天網

天文別錄曰青雲氣如波入天網主天子野宿赤雲氣入天網主人君逐獸有虞蒼白入天網天子親戎服田獵以逐獸不務德化以失民心

壘壁陣星論

壘壁陣星統占 月五星犯壘壁陣

客星犯壘壁陣 彗孛犯壘壁陣

流星犯壘壁陣 雲氣犯壘壁陣

壘壁陣統占

天文別錄曰壘壁陣一十二星在羽林北其西頭觜

星入雲七度東頭觜入壁初度主軍位營陣也

石申氏占曰壘壁陣一十二星赤在營室南主天軍

垣壘星非常則軍起

天文志曰壘壁陣在羽林北壘壁陣乃羽林之垣壁也主軍伍為營寨也五星在天軍中者皆為兵起
熒惑太白辰星尤甚

古今星釋曰壘壁陣星在羽林北主三軍營寨也星明潤則軍營無虞星暗則兵起星疎坼則其國有軍變星就聚其國三軍叛主將星移徙失故常則有急兵星亡則天下兵亂

月五星犯壘壁陣

天文別錄曰月逆犯壘壁陣其野有暴兵亦曰三軍有叛謀

古今星釋曰太白逆犯壘壁陣其國大兵起一曰天子兵盡發焚惑犯壘壁陣則軍營有大災亦曰有兵變若鎮星犯入之其軍營有工役辰星逆犯之其野三軍有水厄

客星犯壘壁陣

天文別錄曰客星犯壘壁陣有暴客入軍營一曰有刺客入營以圖主將

古今星釋曰兩軍相當有客星犯壘壁陣其先舉者勝後舉者負一曰先至者勝後至者敗

彗孛犯壘壁陣

天文別錄曰彗星犯壘壁陣其國有死大將不然大將被黜又曰破軍殺將

古今星釋曰星孛干壘壁陣其國有兵殺主將以叛天子一曰天子憂兵

流星犯壘壁陣

天文別錄曰流星犯壘壁陣主外奸入軍營以害大將色白者謀成色黃者謀不成餘色皆凶

古今星釋曰流星抵觸壘壁陣主大將潰走一曰三軍潰走若流星有聲如雷不有破軍必有屠城

雲氣犯壘壁陣

天文別錄曰黑雲氣入壘壁陣其國有兵憂青白氣如波狀其軍營有驚恐黑氣如獸狀三軍有匿謀赤氣入之軍營有火災黃氣入之其下有將受賞

羽林星論

羽林星統占

月五星犯羽林

客星犯羽林

彗孛犯羽林

流星犯羽林

雲氣犯羽林

羽林星統占

天文別錄曰羽林四十五星在室壁下壘壁陣南東西列北第一行西星入危一十三度東北星入壁初度主天軍

石申占曰羽林四十五星赤三三而聚在壘壁陣主天軍星明國安稀動則兵出不見則天下亂金火守入兵大起

天文志曰羽林四十五星在營室南一曰天軍主軍騎又主翊衛也

古今星釋曰羽林星主天子之兵侍衛之士也星明潤則國安星移徙失故常天子兵盡出亦曰天下大亂星亡則天子失勢

大象旁通曰羽林星三三而聚聚四十五星曰羽林乃天子衛兵也星踈坼而不聚主天子失士卒心亦曰有陰謀三星亡則天子有潰兵四十五星俱亡其國兵盡行又曰羽林俱亡人主憂惶

月五星犯羽林

天文別錄曰月逆行犯羽林禁兵有陰謀一曰衛士有叛志

古今星釋曰太白犯羽林禁兵盡出一曰天子兵盡行熒惑犯羽林禁兵大起

大象旁通曰太白經天或晝見入羽林其國有兵喪一曰中軍兵起

晉惠帝元康九年八月熒惑入羽林占曰禁兵大起其後帝見廢為太上皇俄而三王起兵討趙王倫倫悉遣中軍兵相距累月

晉孝武帝太元元年九月熒惑入羽林至三年正月熒惑守羽林占曰禁兵大起至升平三年八月秦人寇樊鄧襄陽彭城四年三月襄陽陷朱序沒四

月魏興陷廣陵三河衆五六萬於是諸軍外次衝
要丹陽尹屯衛京師

太元十四年十二月熒惑入羽林明年翟遼略司克
衆軍累討不尅慕容垂又跨略并冀等州七月旱
大水又蝗

太元二十一年二月壬申太白晝見在羽林占曰有
疆臣有兵喪中軍兵起是年九月帝崩隆安元年
王恭等舉兵脅朝廷於是內外戒嚴殺王國寶以
謝之

晉安帝隆安元年二月歲星熒惑皆入羽林占曰中
外兵起四月王恭等舉兵內外嚴

晉安帝元興三年二月壬辰太白熒惑合于羽林二
年十二月桓玄篡位放遷帝后三年二月劉裕起
義兵桓氏逼帝東下

晉恭帝元熙元年七月月歲星俱入占曰天下有大
喪十二月丁巳月入犯太白俱入羽林六月帝遜
位禪宋

客星犯羽林

天文別錄曰客星犯羽林主禁兵通外姦以圖內亂
色黃事尅謀變者受誅餘色凶

古今星釋曰客星犯羽林主中軍有變謀亦曰外謀
通內姦為亂

彗孛犯羽林

天文別錄曰彗星抵羽林天子禁兵有匿謀以傾國
祚一曰天子防內亂

大象旁通曰星孛羽林其國有兵變一曰有內亂變
天子惡之

流星犯羽林

天文別錄曰流星抵觸羽林主外寇連禁兵為亂人
君惡之

古今星釋曰流星出羽林天子兵盡行其國有急兵
亦曰天子憂兵起為亂

雲氣犯羽林

天文別錄曰黑雲氣入羽林天子防內亂蒼白氣入
羽林外兵入天子廷一曰禁兵亂王廷

廣古今占曰黃雲氣入羽林禁兵疆盛亦曰天子有
兵威以鎮四夷赤氣入羽林主兵變

八魁星論

八魁星統占

客星犯八魁

彗孛犯八魁

流星犯八魁

雲氣犯八魁

八魁星統占

天文別錄曰八魁九星在羽林南其西北星入營室
一十一度主張禽獸之官

甘德氏占曰八魁九星在北落師門東主張禽獸之
官客入金火守兵起

天文志曰北落師門東南九星曰八魁主張禽獸

古今星釋曰八魁九星在北落師門東南主張禽獸
之官亦以候兵之出入星明大則芒角則兵大起
微明則吉

客星犯八魁

天文別錄曰客星犯八魁其國有兵謀亂亦曰國有
急兵

古今星釋曰客星守八魁主人君有禽獸之荒以施
政教又曰君不務政以荒禽則客守八魁

彗孛犯八魁

天文別錄曰彗星犯八魁其國人君廢政事以亡國
祚亦曰兵起國亡

古今星釋曰星孛干八魁其國施政亦曰有更王

流星犯八魁

天文別錄曰流星干犯八魁其國有異謀大臣亦曰
人君荒禽以失輔弼

古今星釋曰流星抵觸八魁其野張禽獸之官以失
職坐廢一曰國有兵起

雲氣犯八魁

天文別錄曰黑雲氣犯八魁其國有暴兵蒼白氣如
劍戟加八魁其國斧鉞用青赤氣入八魁其國有
大臣犯法者黃氣入八魁張禽獸者受賞

土公星論

土公統占

客星犯土公

彗孛犯土公

流星犯土公

雲氣犯土公

土公星統占

天文別錄曰土公二星在壁南其東星入壁二度

石申曰土公二星赤在奎南主水土功星明黃潤則
天下安

河圖遺書曰土公星在奎南主水土之功星明潤其
國豐富天下和平民躋壽域星暗失常不有水患
必有土役星亡移徙其野有兵起

客星犯土公

天文別錄曰客星干犯土公星其國有土役百姓勞
怨天下有離心

古今星釋曰客星入土公土役事與良民役百姓勞
苦

彗孛犯土公

天文別錄曰彗星掃土公天子多更造宮室以勞民
民心離國祚棄

大象旁通曰星孛干土公其國有兵變一曰土公毀

謂更造宮宇
崩毀壞之也

流星犯土公


天文別錄曰流星抵觸土功其國有急兵一曰土役
興民怨為亂

古今星釋曰流星出土公主天子遣使治水以興土
役色黃則吉餘色皆凶

雲氣犯土公

天文別錄曰黑雲氣如人馬狀入土公天下大水傷
禾歲歉人飢白氣如樓狀乘土公天子更造宮室
以酷民有赤氣入土公人君宮宇有火災青氣入
土公星其野興土功以致歲荒

乾象通鑑卷第八十八



卷一